

四庫全書

集部

欽定四庫全書

集部

御製樂善堂全集定本卷二十三

五

臣永瑤恭校

侍讀臣孫球覆勘

覆校官中書臣田尹衡

校對官助教臣胡子襄

謄錄舉人臣李椿

欽定四庫全書

御製樂善堂全集定本卷二十三

今體詩

御賜書經傳說彙纂恭紀二十二韻

帝治布寰瀛天心佑永清奉三宏建極得一允居貞禮  
樂觀明備詩書悅性情石渠掄碩彥天祿聚羣英謂是  
典謨語由來齊治程先朝曾纂輯今日重脩明諸子收  
精粹羣言費品評孔門傳伏氏漢代著康成自合抽絲

細非如聚訟爭紫陽經校定仲默幾研精多士承

明命儒臣殫惻誠午憲几上列乙夜案頭橫幾歲青藜  
照逾時全璧呈奎文光有蔚

聖語奧難名非僅筌蹄得將俾天地平惠民符保赤卜  
相法調羹佑起明良盛栽培宅俊宏千秋傳治典萬國  
仰躬行喜荷縹緗

賜恩叨雨露榮臚陳明國是往復繹歌賡識淺難窺秘  
心虔等捧盈從知文治化海宇慶同聲

暮春喜雨

正是三農望雨時  
甘霖應候為頻施  
綠添香稻抽初穎  
紅綻名花壓故枝  
澤被園林新似染  
膏流村落滑如脂  
黃雲會見田疇盛  
大有人歌擊壤詩

恭和

御製三月三日得雨原韻

知時甘雨動春芽  
潤物流膏澤孔皆  
綠野空濛生意滿  
平疇霖霖兆情諧  
豐亨景象占多慶  
晚風光喜更佳

自是

天心馨至治嘉祥允慰

一人懷

題十八學士圖

風虎雲龍自景從  
畫圖冠佩盛雍容  
綠山無客招王子  
盡向瀛洲傲赤松

賦得春風傳我意

轉蕙催萸瑞靄紛  
十分春色占三分  
泠泠入律渾難識

習習過條靜不聞岸柳待梳青碧縷池波欲縐綺羅紋  
吹噓到處皆生意傳我窻前大塊文

白鹿洞

李渤結廬後絳帷開紫陽經綸歸性命道德煥文章剖  
析危微旨從容禮法場祇今傳鹿洞几席有餘香

花影

花散清陰傍砌移半疎半密影遲遲鵲飛空自周三匝  
鷓鴣羽應難借一枝輕護錦苔方掩映低臨文石更參差

香紅競逞尋常事那比風前月下姿

柳塘送春

惜春無計可稽遲花信更番欲盡時惟有柳枝低拂處  
烟絲依舊戀清池

綠柳煙濃度鳥聲流光荏苒最關情年年春事成功後  
消得長條幾送迎

夏雲

出岫還成岫從龍更似龍何當化霖雨沛澤潤三農



賦得秋水長天一色

天涵靜碧水涵虛本色今朝見太初決皆空明無下鵠  
印心澄徹有遊魚已包物象三千界不數玻璃萬頃餘  
試想滄浪垂釣客一竿相對意如如

水中樓影

清池漱瀲映長空蘸影樓臺入水紅軒奩龍盤金鏡裏  
觚稜鳳翥玉壺中仙翁宅近人難到帝子居遙路未通  
眼底景光天外想畫圖一幅水晶宮

新秋夜雨

西風驅溽暑細雨送微寒洗竹枝逾綠經楓葉未丹乍披襟颯爽不覺夜闌干秋色今多少來朝仔細看

九日

乾清宮侍宴恭紀

繡錯仙枝煥彩霞重陽侍宴佩萸華牋分

御筆親標韻席撤

皇恩別賜瓜一德賡歌仁壽世太和景象

聖人家獻詩爵躍追天保宴畢歸來日未斜

寒夜聞霜鐘

夢醒不成眠鐘鳴欲曙天一聲清夜氣到處警官聯繞  
闕華紳肅趨朝玉珮傳披衣更危坐無逸誦終篇

題仙子圖

紫芝瑤草滿丹山特向高峯取次攀披荔不須霞作帔  
帶蘿何用玉為鬟綠華去後留條脫洛浦逢時解佩環  
行地暫辭鸞鶴駕五銖衣袖接仙班

遊玉泉山見秋成誌喜

天末風吹溽暑清  
家家鉅艾慶西成  
宜人爽氣山前景  
載我扁舟畫裏行  
田父村頭閒共語  
牧童牛背笑相迎  
年來屢見三秋稔  
擬報農祥慰

聖情

恭祝

皇父萬壽

太平天子應昌期  
五十欣逢獻壽時  
華渚波澄虹爛縵

瑤光霄燭月琉璃野農片曝精誠會仙仗衣冠拜舞隨  
正是太和充宇宙春暉照耀萬年枝

雍正己酉仲冬闕里

文廟上梁前二日慶雲見

上躬詣太學致祭恭紀二十四韻

化洽文明世風登熙皞時車書九有共禮樂萬方綏至  
治乾坤應仁恩草木知崇儒欽往聖重道禮

先師特舉

臨雍典頻行釋奠儀宮牆新棟宇殿廡整崇恩

文廟以  
雍正甲

辰年  
重修軒奩盤青鳳觚稜卧赤螭楠成輝玉碣宋立煥松

楣上瑞方呈日卿雲恰應期非烟籠紫閣似霧匝丹墀  
挾藻流光遍懸華曳曜奇鬱蓊承日麗紉縵布天垂文  
運重離炳嘉祥衆目窺守臣封表進大吏露章隨喜氣  
三宮滿歡聲九陌馳龍墀渙大號

鳳詔凜如絲

聖德誠光被

宸衷益慎持命期勤

翠輦卜日展

鸞旗

詣學行殊典弘文答景禧因加登選額

恩旨明年會試加至四百名壬

子科鄉試十名加一名

用勵作新思藝苑薰風普膠庠膏雨滋唐

虞風更洽洙泗道逾彌玉燭綿

皇祚金甌鞏

帝基萬年綏福履端拱樂無為

留侯

博浪金椎中屬車圯橋遁跡得奇書坐謀帷幄追秦鹿  
立定中原覆楚狙烏喙事成多變詐鴟夷功遂棄簪裾  
復仇當日因韓出滅項興劉亦緒餘

郭汾陽

朱邱方酬蓋世功蒼蠅猶惑曙雞中淮陰須讓全身策  
諸葛應輸破敵雄涇觀惟聞一老卒宋盟祇用數家僮  
中孚可信豚魚格博得朝恩泣令公



己酉冬十一月二十一日

皇父御書立身以至誠為本讀書以明理為先一聯  
恩賜懸掛書齋以寓訓誨至意恭紀

文明雅化敷重譯咫尺

奎章賁玉除妙義直須十四字至言已勝萬千書

天顏有喜龍鸞動綰案承

恩雨露舒從此就將當益奮敢違提訓負居諸

臨池柳

皇州春色滿夾岼柳先知漸吐鶯黃色低臨鴨綠池每  
當韶景麗偏沐好風吹入水分斜影含煙潤細枝波光  
搖上下帶縷漾參差魚唼疑牽行鶯梭欲織漪絮飛洲  
點雪花落水添絲瀾岼空含雨章臺競逞姿何如上林  
苑歲歲渥恩滋

行園

春郊萌動沐陽和嫩草新抽翠欲波回首鳳城佳氣繞  
林風時送牧童歌

芳圻剪剪草痕生  
柳浪聽鶯鶯未鳴  
獵騎雲馳心更愜  
平原千頃不曾耕

春日雨後海子外行園

雨後觀新柳垂絲帶玉珠  
村村生意足處處早春殊  
馬健方堪騁鷹雛未解呼  
萬家烟火裏簑笠快何如

繡陌連芳嶼韶光十里繁  
綠深楊柳岼紅暗杏花村  
時雨占年稔新晴愛日暄  
遊觀回勒晚殘照落柴門

青雲店民家見梁上雙燕偶興

春來吳楚方成別，社到幽燕又見歸。  
掠水塘邊相對語，採芳簾外故低飛。  
欲尋謝宅迷長巷，不借盧梁愛短扉。  
一任處堂巢自穩，等閒竈突事應稀。

楊柳風

江南二月麗晴暉，楊柳風和乳燕飛。  
堤上馬嘶芳草去，湖中帆帶夕陽歸。  
柔條漫著遊人眼，弱線頻牽過客衣。  
待到清明寒食後，池塘輕絮又霏霏。

顧孝廉蒙

聖恩特賜進士詩以賀之

薄海同歸雨露培  
宣尼寧獨鑄顏回  
得君初不緣多遜  
及第今還勝柳開  
青瑣班聯宵漏永  
彤墀臚唱慶雲來  
會看五色生花筆  
長日揮毫視草臺

賦得鷺立蘆花秋水明

風起蘆洲鷺翻斜  
欲飛還竚水程賒  
凌波雪羽輕翻節  
倒影羅紋皎奪花  
宛在伊人深白露  
幾分秋色淡明霞  
遙看景物蒼茫意  
擬共鷗盟荻浦沙

九日講武恭紀

四海遍雍熙  
三秋閱虎羆  
代當全盛際  
節應大蒐時  
日月中天麗  
旌旗曠野麾  
軍容森甲冑  
垌牧物黃驪  
爽氣浮仙仗  
卿雲映

御帷虎賁爭  
躑躑戎御盡  
師師拂劍霜  
華動彎弓月  
影披馬嘶黃  
菊野鴈過白  
雲陸組練生  
光焰衡鑣中  
式儀九宮羅  
畫戟六甲載  
雲旗舞鏐遊  
絲裊穿正閃  
電馳古來歌  
七德今日炳  
重離

聖治輝千載

天威震四夷

鑒興歸紫極扈從詠周詩

九日登高

節物推遷秋氣深重陽今日此登臨東籬露潤花將放  
北塞風寒鴈有音氣爽天高秋颯沓山青水碧樹蕭森  
松梢鶴韻和清瑟竹裏泉聲雜古琴吹帽還須窮絕壁  
整冠且復盡前岑地寬自覺塵埃遠境靜全無俗慮侵

白石卧雲苔漠漠青巖引徑洞沉沉已從蘭若聽僧梵  
更雜寒村送旅砧觀海何須登泰岱到山已足散胸襟  
歸來解却茱萸佩閒看東岡月上林

霜隼下晴臯

九臯秋氣肅沙淨水痕明蒼隼低青岫孤飛下碧泓摩  
空盤勢矯收羽削風輕墉上無人射溟東幾度行攬擎  
藏利爪爽豁湛園晴萬里悠悠意金聲寄一鳴

壽五弟



繡線添端始桑弧慶履長雲書卿商爛瑄度祿襦香音  
羽調分候天心復一陽慧根資豈弟醇意發文章著紙  
霞朝麗揮毫玉夜光鵠原欣得侶鴈序愧先行願挹層  
霄露言斟初度觴同携瞻紫極靄靄萃千祥

帝京雜詠

雪瓣初收放曉晴西山一帶湛虛明玉屏重叠玲瓏樣  
若個神工造得成

歲臘欣逢蚤立春銀旛綵勝逐時新漫言春色知多少

寒谷陽回自此辰

兒童隊隊趁間行市口新張賣畫棚不惜金錢多買取  
歸來弟妹笑相迎

古禮原稱老婦祭於今禮拜祇諸男雲車龍馬昇天去  
戶戶爭傳二十三

大官清曉布

王言濟濟鴈行錫賚繁領得天庖鮮美味親朋會食說  
君恩

君王錫福溥恩施鳳翥龍翔莫並奇頃刻漏聲傳玉箭  
聯翩

御筆下彤墀

紛紛爭向地爐邊添滿松枝颺碧煙  
煴歲成風傳自昔  
一家烘煖話團圓

送舊迎新未得眠一番守歲列華筵  
却將舊學商量過  
培養新知勝往年

辛亥二月朔

皇父賜御書對聯恭紀

夾鍾應律普條風浩蕩春熙造化同雨露澤來三殿上  
璧奎文降九天中漫言北海書稱健可識山陽句獨工

聯句係唐人趙嘏詩最是

萬幾無晷暇

恩頒宸翰荷無窮

辛亥仲春

上幸豐澤園演耕耤禮

上躬四推

命<sub>臣</sub>等終畝恭擬應制十韻

大地陽和淑景韶  
潛蘇土脉應風條  
洪鈞普扇百昌序  
大造均舒萬物調

翠輦臨耕旗閃爍

金輿載駕玉鏤雕  
行行西苑停鸞輅  
泛泛天池盪畫橈  
帝耒四推膏壤沃

皇躬一撥甫田遙  
先期已見寅恭懋  
終畝還思

教澤饒種布期生連理穗壠開願長九岐苗追思

聖祖觀耕地却值吾

皇演禮朝豐稔歲功九有遍太和景象萬方昭放勲久

頌

堯功茂協帝重瞻

舜德超

西廠習射即事

行行西廠路猶賒習射非關玩物華怪底今朝寒料峭

平明宿雨濕桃花

拂柳穿花過小溪  
紫騮不用錦障泥  
東風可是能裁剪  
飄灑香紅散馬蹄

西海清流漾碧鮮  
相將此日盪蘭船  
溶溶新漲春蕪合  
始識分來自玉泉

佛手

天龍一指稱禪伯  
接引猶聞爪甲香  
瓶鉢罷持忘色相  
珊瑚閒撇愛清涼  
靈根疑長堯羅樹  
慧質原生選佛場

何事全身藏丈六玻璃盤內笑拈芳

晚眺

沉沉暮色迷烟鬟高樓半出松篁間樵牧歸來晚燒起  
鴛鴦飛集斜陽閒窻開蝶逐花片入簾捲燕啄香泥還  
極目芳菲將九十楊柳春風為掩關

丁香花

細葉纖英不染塵微風時度暗香勻兩般顏色分枝麗  
四出瓊瑤著樹新淡洗露華披寶粟斜翻堦影卧花茵



縱令百結猶須解那鎖芳園荏苒春

御製樂善堂全集定本卷二十三

欽定四庫全書

御製樂善堂全集定本卷二十四

今體詩

燕山八景詩

瓊島春陰

瓊華瑤島鬱嵯峨春日輕陰景色多雲護鳳樓松掩映  
瑞凝仙掌竹婆娑低臨禁苑滋苔蘚遠帶郊畿陰麥禾  
更向五雲最深處好風時送九韶歌

太液秋風

秋到宸居爽籟生  
玉湖澄碧畫橋橫  
荷風晚送殘香氣  
竹露涼敲綠玉聲  
翠合三山連閬苑  
波涵一鏡儼蓬瀛  
由來禁籞林泉好  
行樂還同萬物情

玉泉垂虹

湧湍千丈落垂虹  
風卷銀濤一望中  
聲震林梢趨衆壑  
光浮練影掛長空  
跳波激石珠丸碎  
濺沫飛花玉屑紅  
自此恩波流處處  
公田時雨澤應同

西山晴雪

銀屏重疊湛虛明  
朗朗峯頭對帝京  
萬壑晶光迎曉日  
千林瓊屑映朝晴  
寒凝澗口泉猶凍  
冷逼枝頭鳥不鳴  
只有山僧頗自在  
竹爐茗椀伴高清

薊門煙樹

蒼茫樹色望中浮  
十里輕陰接薊邱  
垂柳依依村舍隱  
新苗漠漠水田稠  
青蔥四合鶯留語  
空翠連天鴈遠遊  
南望帝京佳氣繞  
五雲飛護鳳凰樓

盧溝曉月

蘭若霜鐘斷續鳴  
盧溝曉月正西橫  
蒼烟淡接平蕪迥  
曙色纔分遠水明  
傍岝人行聞犬吠  
蹙波風動見魚驚  
車馳馬驟長安道  
何限低徊旅宦情

居庸疊翠

居庸天險列峰連  
萬里金湯固九邊  
雄峻莫誇三峽險  
崎嶇疑是五丁穿  
嵐拖千嶺浮佳氣  
日上羣峰吐紫烟  
盛世祇今無戰伐  
投戈戍卒藝山田

金臺夕照

燕臺遙望澹烟濛  
返照依稀禁籞東  
是處人家圖畫裏  
一川風景夕陽中  
溪頭棹響歸漁艇  
牛背簫聲過牧童  
千古望諸留勝蹟  
幾迴憑弔向西風

闕里祭器新成

賜觀簠簋鉶登豆  
爵六色恭紀八韻

代啓文明炳崇儒

聖道光

皇心欽日月禮器脩宮牆舊譜稽成式新圖發尚方  
斑斕紛有耀簠簋列成行

頒示來三殿傳觀遍兩庠涵光呈玉質絢彩燦金相  
萬國同文軌千秋肅典常從茲先後聖一揆頌吾

皇

恭祝

皇母聖壽

蓬萊曉日照金扉  
紉縵雲成五色輝  
觴捧六宮趨綵仗



嵩呼四海仰

慈闈瓊筵恭進仙人膳  
文錦歡呈玉女衣  
叨沐恩勤逢令節  
年年拜舞慶春暉

賦得一雨便如秋

園林新霽後  
徙倚小亭前  
宿雨催殘暑  
餘霞抹遠天  
風隨輕扇度  
爽隔薄衫穿  
泉滿澄潭裏  
鷗閑野岸邊  
苔痕侵履濕  
梧影落階圓  
秋思先秋發  
於今卜有年

雍正九年六月

上以近畿三省雨澤愆期豫籌賑恤之策甘霖叠沛恭

紀十二韻志喜

帝念民衣食端惟農與桑粒民符后稷熙績法陶唐乾  
惕通朝夕中和善弛張朱明三夏永甘雨萬民望

睿慮周三省

宸衷達九蒼普天頒惠澤特地厪諮商精禱思無逸殷  
憂問未央貯倉施舊積轉漕截新航更降停徵

詔仍頒捐賦章

恩綸過所望膏澤應非常對越何昭爽誠通自溥將從  
知

天佑

聖萬國慶豐穰

賦得七月流火

玉律商聲應金天大火流祝融朱旆卷少皞素車留炎  
氣驅天末涼颼拂樹頭潭中波影淨盤裏露珠稠興助  
西風客思添明月樓授衣期在即砧杵響清秋

秋露如珠

七月凉初至三危露漸零  
圓凝成顆粒紛墜散瓏玲  
只許盈眸洗無能傾耳聽  
平分素秋景梧葉老階庭

秋日播麥新生

釐年遍壠拂參差正是西風八月時  
翠稔乍抽新穎細綠波輕泛早苗披  
芊芊不畏秋陽暴靡靡長霑白露滋  
此日種成來歲穫化工四氣為全施

將獵南苑檢點所攜書籍

入高秋氣肅郊坰南苑將除信宿停  
檢點行滕整書籍  
不因校獵廢談經

校獵阻雨

崇朝秋雨細絲絲草濕平原滑似脂  
罷却行圍何所事  
吟詩未穩獨尋思

閣道遊廊闌角齊侵堦嫩綠草萋萋  
却憐苑外隨圍者  
上雨旁風下濁泥

辛亥秋九月出南苑行圍以穡事未竣不果獵而

還

耒翻雲板敲場圃錢利霜刀刈大田一幅幽風圖畫似  
肯教獵騎悞民天

霜後平原地已堅青驄不用錦連錢相逢野老扶兜笑  
今歲豐收倍往年

讀楊忠愍集

家學關西素行淳浩然惟與義為隣一生名節堂堂在  
兩疏風霜字字新報國不辭履虎尾排奸直欲犯龍鱗

開編省識忠良氣不愧牽衣折檻臣

御賜詩經傳說彙纂恭紀十韻

學古初循璧承

息尚面牆二南風化首六義詠歌長邦國由閨闈聲音  
叶紀綱孔門傳卜氏漢代著毛萇考訂憑先哲要歸守  
紫陽膠庠遵注釋藝苑藉翱翔秉一先生訓排諸博士  
場羣言難約達萃莢得微臧纂定遵

皇祖裝潢出上方趨庭慚寡昧雒誦敢遺忘

恭瞻

皇祖恩賜御筆感賦

亭俯玻璃荷芰芳

賜書處名  
觀蓮所

孫枝獲侍

聖人旁寸心已覺超陪幸尺幅曾頒翰墨光  
羲畫軒書叨賜屢玉函金笥貯

恩長只今空對

宸章麗瞻仰徒迴九曲腸

分陰宵肝萬幾繁餘暇精神寄筆端運腕力如撐海岳



揮毫形似舞龍鸞當年歡忭承

榮賜此日依遲忍重看詎止宋臣飛白記涕流頻拭那  
能乾

鏡中燈

數尺玻璃鏡中含燭影橫光凝千樹皴彩散一燈明圓  
相分來滿空花對處生撲蛾渾不用剪燼笑難成乍似  
冰壺漾還如水月盈若令長照物莫徹玉堂繁

雍正九年十二月二十日

皇祖實錄御訓告成

皇父陞殿恭受禮成羣臣慶賀恭紀

承平歲久共尊親萬類欣遊浩蕩春六十一年繇邳治  
百千萬國沐洪仁行昭日月瑤篇富言揭山河寶冊新  
聖主紹庭欽陟降顯承允萃一人身

寶袂金輿瑞靄盈恭迎

帝輦出乾清起居本是當年注紀載欣看此日成佑啓  
萬年隆國祚繼承四海仰

皇情告成應受千官賀金殿曈曨旭影明

績奏修和被管絃只今載筆尚依然精研始識

天心奧紬繹從知

聖學淵久道化成仁正溥重熙累洽慶方緜朝來閱罷  
昇平禮寶歷初周已十年

史館修成

聖典垂一番歡喜一番悲提攜舊憶

音容在愴慕今驚歲月移光發瓊囊臨殿陞祥開玉帙

煥采愚幾迴拱手丹墀立感事沉吟七字詩

薄海霑濡雨露勻

九重咨倣煥絲綸典謨從識唐虞聖功敘還同覆載仁  
憶昔追隨

宸極久祇今瞻仰史書新光天黎獻歌思永況復躬承  
渥澤人

吾

皇至德懋重華

實錄成書自帝家經國大猷延宅俊務民本業重桑麻  
載功多藉羣工手紀實曾無一字夸受賀禮成還紫極  
中天日燦五雲斜

賜烏銅鑪恭紀

迢遞三餘永研精書室中憲明欣向日簾密為禁風  
布澤從金殿

頒恩自法宮名鑪傳雅製新樣出良工素色青鉛似圓  
形寶鏡同細雕檀木案巧鑄首山銅夜熱蘭煙紫朝熏

獸炭紅袖來寒却避著處煖頻烘拜

賜回春德榮分解凍功年年長至日永得奉

恩融

平郡王修理

福陵前水法告成還京賦贈三十二韻

薄海承平日光天丕冒時奉三宏邈治得一普

恩施

列祖貽鴻業吾

皇紹大基

聖心通陟降孝治本型儀緬想

山陵地欽惟功德垂殿堂宜式煥水法度重為

簡命賢藩往工程鉅任裨星輶辭輦轂駟乘望

靈祠九十韶光半逶迤周道遲嫩茵鋪古路山鳥喚高  
枝日脚來孤鶩雲邊現彩芝奉天春滿目望海翠凝眉

山海關有  
望海樓

言邁勞征騎遄臻止繡麾命徒勤匠作鳩衆

發工師月斧千人舉雲斤萬手持尋源疏舊道鑿石濬

新陂利便因形勢高卑物土宜敬公常惓惓慎事每孜孜不惜司農帑還餘御府資兩年寒暑易再往路途知情旭光明照和風左右吹歸輿旋帝里返旆邁通達藏事封章奏論功

聖澤推逾時成契濶此日喜追隨分韻箋同劈探微冊共披心知才磊落意欲共磨治古有登臨士遊窮山水奇因之健筆力用以助文思况復三韓舊猶然萬載規省風思



祖德考俗問鄉耆益重主璋品應叨雨露私篇章聊志  
喜詎比穆如詩

孟春十日夜偶成十六韻

天宇祥風布東方木德生入春旬已過望月壁將盈獨  
坐披絳帙無眠對玉檠推敲裁律句吟咏費精評自憶  
髫童歲粗知書史名但能覓梨栗豈解協音聲顧復

皇恩厚提撕

聖訓明選師皆宿彥教我盡披誠學識尊周孔詩知道

性情韻宗金石響詞薄偽刊輕繭紙浮光淨蘭毫蘸墨  
并綺思抽乙乙俗慮靜營營堪會天人理薰消長短更  
燼生霜燕翦茶沸玉壺鳴旋裊沉香細迢遙永夜清吟  
成梅月朗天際玉繩橫

玻璃盤

斐几無塵罽穠平玻璃盤子伴高清一般皎潔羞雲母

四射光芒突水精巧質非緣周玉府

周禮天官玉府合諸侯則共珠盤玉

敦嘉名詎數漢金莖幾回拂拭澄如鏡靜對冰心一片

明

恭讀

皇祖御製避暑山莊三十六景詩并閱圖感成長句五

首

天開勝境比卷阿浩蕩春熙萬物和祇為養

親溫清備非闕奉已豫遊過迎涼臺榭依山迥延輿軒  
窻傍水多頷頷孫魯難數計扈遊何幸沐

恩波

猶憶壬寅三月春隨

鑒方始奉恩綸

天顏近接承歡久

日角時臨賜喜頻在耳

德音猶似昨開函

御筆鎮如新祇緣深眷吾

皇意愛育餘波及小臣

金泉避暑闢離宮行樂還期兆庶同書史研求遵古訓

桑麻藝植愛幽風追陪六膳分銀鱠趨侍三驅躍玉驄  
指點圖中當日事

鼎湖何處可攀龍

靈臺不見文王御仁壽空傳唐帝宮樓閣簾櫳虛夜月  
殿堂松柏老秋風當年遊賞疑天上此日酸辛對畫中  
賸有

宸章恭洛誦幾回青睞憶

重瞳

鼓響春音夢裏遷披圖不覺淚潛然詩侔風雅傳千載  
畫聚烟霞扁一編爽籟秋風噓大塊雲章星彩麗高天  
冷窗課罷頻吟諷回首光陰已八年

東作

東作三春始滋生萬物稠公田平似掌新水綠如油蟲  
捲桑桑葉針抽嫩穎頭乘時功力備多稼定今秋

賦得花隨春令發

青陽消息到春臺嫋嫋風光費剪裁滿院猶遲千樹放

傍簷早覺一枝開  
日烘不藉溫房暖  
令至何須羯鼓催  
嫩萼半含春力薄  
悠揚蜂蝶莫頻來

題蔣南沙相國畫屏五景

桃柳

金絲錦浪舞東風  
點綴陽和尺幅中  
見說花源春靄靄  
遙知灞岸雨濛濛  
輕綃雜間參差綠  
翠帶低臨深淺紅  
消息化工歸變理  
丹鉛未許畫師同

蒼松牡丹

錦繡堂中開畫屏牡丹紅間老松青日烘始識三春麗  
歲暮猶看百尺亭天矯擎空欣得地輝煌散彩正當庭  
一般都是生生意坐對從知筆有靈

荷

玉鏡平鋪一帶長紅衣翠蓋儼明粧不爭艷麗當春日  
獨濯清漣傍夕陽雲髻戔戔疑洛浦秋風娟娟憶瀟湘  
鷺鷥可是知人意雙落明波領晚香

黃蜀葵



色是黃金花是盤迎風未舞已珊珊  
藍珠宮裏仙人珮  
姑射山頭玉女冠  
承露更添千葉碧  
向陽還有寸心丹  
驚黃淡抹饒深意  
漫作尋常渲染看

梅

天上春陽回未回  
早傳消息到庭梅  
暗香和雪尋常放  
嫩萼侵寒三兩開  
每傍階前照清淺  
更於月下重徘徊  
一枝風物資清供  
調鼎還看濟世才

春日寄朱可亭先生五十二韻

遲日山河麗青春風物妍皇州籠淑氣天宇燦祥烟景  
媚韶華世人遊熙皞年先生方抱病靜室獨安眠當代  
窮經彥清時守道賢事

君欣際遇奉職佛仔肩

寵命登台輔鴻才掌選銓寅恭朝宇右弼亮

聖人前只此冰兢志那忘對命虔

皇情常有眷臣節總無偏早歲承綸綍成童授簡編芳  
規看表帥函丈獲周旋義府優游永春風坐卧便賦詩

聞檢韻味道細烹泉每自威儀謹從知學問全董生醇  
治術朱子續心傳十載如旬日高山復大川汲長難試  
綆質魯詎窺淵惟借開陳力常資接引緣前途粗省識  
往籍事精研方示尋鄒屐旋招泛泗船高深終莫測言  
象未忘筌竊意精神固何期衰病連道存看潤貌身老  
惜華顛解習安心法參明樂性禪三年常疚疾晚歲每  
迤邐更受

宸衷注頻蒙

恩旨宣賜醫經歲月賚食列甘鮮幾度秋梧落經時春  
草芊尊生資攝理養靜悟魚鳶入臘魔纔退頻年疾稍  
痊經惟常一過日暮薄言還早識文如斗新叨筆似椽  
風披重幙外晴照綺窻邊坐久添光霽來頻領蕙荃如  
何新歲到轉覺舊疾牽呼僕長扃戶飛花未撲蘂竹爐  
朝自焙湯劑晚仍煎消悶憑書籍無心託管絃神清依  
素几守寂坐麝檀未及頒春俸應勞買藥錢東皇今布  
令黑帝久收權坦履宜悠爾沉疴定霍然追隨私念切

趨步寸心懸况乃須調鼎方看用作舩時平交正泰  
君道健如乾宣力疇堪並陳猷未或先陽和敷化國膏  
澤被王田何日趨朝陛多時隔講筵裁詩羞未穩有暇  
賜雕鐫

御製樂善堂全集定本卷二十四

欽定四庫全書

御製樂善堂全集定本卷二十五

今體詩

三月十三日隨

皇父駕幸圓明園得詩六首

春園初見百花開日午欣隨

御輦來纈錦蒸霞呈麗景東皇雨露好栽培

最是蓬萊浩蕩春東風如剪物華新裙腰草合平於毯

滑笏溪流色似銀

邇來甘雨潤苗新走馬天街絕點塵試策金鞭回望處  
翠條如染拂行人

黃繖當中映午暉

太平天子幸春園靈臺靈沼同民樂夾道齊呼

萬歲尊

寒食常年桃已謝今年寒食正開花天工有意供

宸賞特教東君駐物華



御爐香煖惠風晴日映墀頭喚上卿不是物華供玩少  
殿顏勤政意分明

賦得好雨知時節

漠漠春雲布濛濛時雨飛點空方霖霖入夜轉霏微正  
助資生德從知造化機東郊明曉步坂上麥苗肥

柳溪垂釣

傍岸青青一帶遙玻璃鏡淨拂烟條持竿不為貪鱸膾  
天水空明萬慮消

花嶼南頭曲水東石磯晚坐綠陰風臨流暫作垂綸客  
興與漁郎却不同

聽松

涼風過院裏踈響度庭前乍覺蛟龍吼徐聽絲竹傳春  
濤盈峽漲沸茗滿壺煎入夜心偏靜憑參天籟禪

賦得泉和萬籟吟

野逕無絲竹飛泉亦可聽千條流澗白萬古韻松青自  
是饒天籟多緣借地靈跳波珠索索激石玉丁丁樂奏

簫韶曲圖開十二屏何當鋪翠毯終日對清泠

濯纓泉

碧映一泓清當年誰濯纓滄浪衣帶水到此亦成名

恭和

御製詠竹原韻

琅玕敲雅韻蒼翠布清陰遠映山光入低臨階影侵寒  
梢蓊雨潤勁節颯風吟仙苑供

宸賞還同松柏心

藻砌紛青籜芳園滿綠陰最宜時雨洗不碍歲寒侵  
宸暇方遊豫

皇情暢詠吟年年常近日清節與虛心

從軍行

三邊烽火照軍營十萬丁男夜練兵但使腰間懸寶劍  
丈夫何處不成名

關山月冷夜黃昏指日應擒吐谷渾誰憶樓頭新少婦  
一聲橫笛正銷魂

沙漠風高列戍連寒侵行帳不成眠狼山夜半聞新警  
披甲爭聽號令傳

辭家萬里路迢遙龍虎軍中夜擊刁底事成功如約早  
將軍聞是霍嫖姚

橫戈結伴共遊盤日久翻忘行路難却恨此方無鴈到  
憑誰傳信報平安

夜戰洮河馬不嘶無邊殺氣與雲齊偷閑一枕金戈卧  
半是人膏半是泥

二十三番月缺盈君王恩重致身輕  
轅門試射誰穿的  
十萬軍中最有名

戍兒約計看刀環對鏡新驚髮半斑  
不是親擒生頡利  
何顏復進玉門關

送邵通叅奉

命典試江西

天門旭日耀晴明

帝簡儒臣典試榮虎觀暫教違問難  
龍門旋見擷瑤瑛

征輪正愛山花繞歸路應看翔鴈迎一載春風頻坐卧  
可能不動別離情

昭代文明重棘闈雄州遙指四驄駢三秋瞻斗龍光射  
一月蒐才紫氣圍堂上頻呼添蠟燭日中俄見擲珠璣  
迢遙驛路回鞭日好載公門桃李歸

豫章佳氣鬱葱葱牛斗光芒映彩虹

帝遣文星司玉尺人欽精鑒詠敦弓驩駟遇主鳴方健  
鵬鶚摩天勢更雄宗派西江還在否憑君一振古人風

放榜懸知聚彩霞歸興歷歷雪初花縱橫禮樂文章盛  
來往山川道路賒日照金臺迎晝憶風吹滕閣送仙槎  
天街十月陽春早光霽重看捲絳紗

顏魯公祠堂

草長華清作古原魯公祠宇至今存松園四面濤聲颯  
戶守千靈道貌尊一片忠誠光日表幾遭貶斥別君門  
平生浩氣消奸氣盡節從容且謾論

讀項羽紀



鹿走荒郊壯士追蛙聲紫色總男免拔山扛鼎與何暴  
齒劍辭騅志不移天下不聞歌楚些帳中惟見歎虞兮  
故鄉三戶終何在千載烏江不洗悲

讀武侯出師表

燎滅中原鹿又亡獨留微燼熾災方三分已是輸全局  
七縱猶然保小康此日櫓槍須北指當年魚水憶南陽  
魏宮草樹終搖落千古丹心表兩章

裁衣寄從軍者

玉關天氣涼六月已飛霜驚理篋中素寄與遠行郎  
長短尚如初寬窄想非舊那堪孤燈下縫紉聽寒漏  
中庭度金風絨刀著手冷歎息厚裝綿行將寄雪嶺  
裁衣何所願願郎早樹勲郎為萬戶侯妾作郡夫人

送穀菴鄂相國奉

命經畧西陲

清秋霽日照征鞍上相臨戎劍氣寒

詔旨欽承三殿密機宜默運寸心殫馬騰士飽來裴度

鶴唳風聲避謝安欲別先生何所贈臨風握手勸加餐  
書文一軌泰階平蠢爾戎夷敢弄兵

天子運籌頻下顧相臣經畧此西征風翻武帳三台入  
日耀軍門萬戟明佇看對颺歌虎拜邊烽永熄玉關清  
賦得鶴舞千年樹

太液池邊千歲松飛來白鶴愛陰濃雪衣斜掠披風態  
丹頂高昂舞月容閭苑有書傳秘信縵山無處覓仙踪  
翩翩還就三清路翠蓋徒看攬老龍

活水

滑笏流波不暫停  
鵲鵲鷺鷥滿沙汀  
眼前解得空明理  
清濁何勞辨渭涇

冒雨尋菊

秋雨霏霏碧蘚滋  
閒情今日步東籬  
不知冷夜寒朝裏  
開到西風第幾枝

我愛秋來菊蕊開  
天工偏為洗塵埃  
倚欄閒咏衣衫濕  
應是纔從籬畔回

輓戴九皋

都門握手別清儀，生別重添死別離。  
萬里應懷埋玉恨，龍堆想見致身時。  
魂還故宅三秋冷，名列新編萬載垂。  
惟我思君勤懇意，裁詩洒淚不勝悲。

弔睢陽雙忠

虬蟬援絕守孤城，遮蔽江淮九死撐。  
可惜絕繩無復續，翻教越俎共捐生。  
一時慷慨多全節，千古春秋有令名。  
籩豆生光祠宇在，雙忠浩氣煥丹楹。

恭讀

皇祖聖祖仁皇帝御題耕織圖四十六景詩敬和原韻

浸種

氣布青陽造化功  
東郊俶載萬方同  
溪流浸種如油綠  
生意含春秀色籠

耕

宿雨初過曉日晴  
烏犍有力足春耕  
田家辛苦那知倦  
更聽枝頭布穀聲

耙耨

九重宵旰厯民依  
課量陰晴總不違  
縹緲雲山迷樹色  
綠蓑扶耙雨霏霏

抄

新田如掌水潺湲  
扶抄終朝那得閒  
手足沾塗渾不管  
月明共濯碧溪間

碌碡

帶雨扶犁一夕周  
作勞終畝敢辭休  
縱橫碌碡如梭轉

膏壤勻鋪惣舊疇

布秧

二月春風料峭寒  
原田鱗疊入遐觀  
最憐舊穀生新穎  
欲布秧還仔細看

初秧

柳暗花明春正深  
田家那得冶遊心  
老翁策杖扶兒笑  
却喜初秧擺綠鍼

淤蔭



短杓盛灰淤畝勤高原下隰望中分鳴鳩喚雨聲聲好  
嶺外旋看起白雲

拔秧

勻鋪綠毯滿平川萬井風和花欲然移自南疇向西陌  
拔秧時節日長天

插秧

甫田萬井水瀾瀾拔得新秧欲插時槐夏麥秋天氣好  
及時樹藝莫教遲

一耘

新穎鶯黃遠似波，握苗助長槁如何。  
惟應芟薙勤人力，自鮮芑稂害穉禾。

二耘

壺漿饁婦大堤行，最是畦邊莠易生。  
勞苦再耘還再饋，可憐農叟望年情。

三耘

朱火炎炎日午長，三耘曝背向林塘。  
那無解愠傳風信，

天遣微薰動綠芒

灌溉

抱甕終輸氣力微  
桔槔輪轉迅如飛  
池塘水滿新禾潤  
樹下乘涼待月歸

收刈

桐風瀟洒露珠晞  
滿野黃雲映落暉  
是處腰鎌收穫遍  
擔頭挑得萬錢歸

登場

登場此日望西成大有頻書慶帝京  
穰稔滿車皆玉粒比隣亦覺笑顏生

持穗

場圃平堅灰甃成如坻露積最關情  
殷勤婦子爭持穗好聽千家拍拍聲

春碓

木末金風陣陣吹松明火燒隔踈籬  
何來春相深宵裏可是村謳唱和時

簾

秋成那得暫遊盤  
顆粒精粗欲別難  
周折不辭身手瘁  
猶餘一掬幾回看

簸揚

郭外人家茆舍深  
門前揚簸趁風林  
莫令飄墮成狼戾  
辜負耕夫力作心

礱

相將南畝苦胼胝  
望歲心酬庶免飢  
石礱碾來珠顆潤

家家鼓腹樂雍熙

入倉

霜點楓林似火然  
千倉滿貯賜從天  
輸官不假徵催力  
喜值如雲大有年

祭神

擊鼓吹豳報屢豐  
朝看索饗萬家同  
更期來歲如今歲  
苗碩不知願莫窮

浴蠶

曾讀幽風七月篇遲遲日景麗光天新蠶未起先宜浴  
盆滿明波人滿川

二眠

女桑搖綠葉參差曉起人慵欲採遲雙燕入簾長晝靜  
再眠恰是仲春時

三眠

淑景頻催喜戴陽微行步步採條桑三眠三起新蠶老  
篝火看時夜未央

大起

春光荏苒去堂堂無那黃鶯一日忙  
箔上吳蠶方大起  
冰絲色映綠筠筐

捉績

蠶筐高下架頭紛食葉聲煩似雨  
間捉績欣看光練練  
一家婦女共辛勤

分箔

柳絮飛時晝下簾  
桑桑繫細食徐添  
却憑纖手為分箔



未暇朝餐日過檐

採桑

墻畔青條著雨滋繁陰初覆葉齊時春深八繭蠶爭餒  
稚子携筐上綠枝

上簇

覓樹尋枝手足疲柔柔采采飼蠶飢今朝報道新抽繭  
老幼羣欣上簇時

災箔

重簾不捲畏風寒猶熱松明向夜闌  
皚雪霏霏堆滿箔殷勤弱女把燈看

下簇

獻繭由來重女功繪圖今見列璇宮  
聖人不為丹青玩玉穀珠絲此意同

擇繭

弱繭何時成綺紈拮据冀免一身寒  
八蠶獨蛹還須擇几上分明取次觀

窖繭

春日遲遲執婦功  
何心戀賞牡丹紅  
繭成好向村頭窖  
荷鍤携兒綠蔭中

練絲

煮繭炊烟颺短籬  
絲腸累累練成時  
探湯試展纖纖手  
那聽枝頭叫畫眉

蠶蛾

蠶蛾絲淨方生子  
送向溪頭任所之  
默祝明春盛今歲

隔年生理計家資

祀謝

年年勞苦事耕桑及早還將租稅償今日蠶成虔祀謝  
西陵功德戴無疆

緯

蠶繅輪捲遍千家午靜人慵鳥語譁浸緯欣看供織作  
阿香軋軋轉雷車

織

織女工夫午夜多何曾已自著絲羅銀蘭照處方成寸  
却早循環擲萬梭

絡絲

秋惹深閨無限情可堪蟋蟀送寒聲玉關萬里征夫遠  
惆悵新絲絡不成

經

砌下風飄待女蘭新絲經理欲成紈安排頭緒分長短  
約伴同來仔細看

染色

經緯功成尚染絲  
晴光萬縷燦離離  
天工奪處關人巧  
棚上還看五色施

攀花

簇簇堆成錦繡紋  
攀花鬪巧最精勤  
堪憐織婦空勞勩  
著體無過大布裙

剪帛

溪尾如藍秋水清  
裁衣寄遠重關情  
金刀欲下躊躇意

絲縷皆從素手成

成衣

戔戔束帛費縫紉只為祁寒事切身  
聖意憂勤圖畫裏宵衣永庇萬方人

輓蔡忠烈公


公諱道憲號江門閩之晉江人為長沙司李獻  
賊攻長沙吉藩及撫藩監司相率遁衡州公攝  
太守事為死守計總兵尹先民叛附於賊城陷

百計脅降公不屈怒罵愈甚賊遂錐其胸斷其  
手割鼻舌毀齒寸磔以死事聞贈太僕謚忠烈  
先是公就擒時有從役九人隨公不去賊先殺  
五人以懼公公不動及以次斬及凌國俊國俊  
者九人之一也國俊請葬主而後就戮賊許之  
後與公同祀長沙

牧民身不與戎曹為守孤城展六韜振鼓縱能摧賊銳  
倒戈先已樹降旄夜臺有路丹心炳帝闕無門白日高



沅芷澧蘭芳不歇招魂只合誦離騷



御製樂善堂全集定本卷二十五

欽定四庫全書

集部

御製樂善堂全集定本卷二十八至

臣永瑤恭校

侍讀臣孫球覆勘

覆校官中書臣田尹衡

校對官助教臣胡子襄

謄錄舉人臣李椿

欽定四庫全書

御製樂善堂全集定本卷二十六

今體詩

石鼓

橋門森矗兩蒼松翠護雕鐫舞鳳龍  
漫說晉臣精博物難稽周帝耀軍容  
銅駝已見藏荊棘石鼓依然鎮辟雍  
百里聲聞今試扣太平留此溯遐蹤

聞軍營大捷誌喜

旭日揚輝氛沴消  
光天雨露九瀛朝  
行間効命票姚霍  
斗畔推車相國蕭  
沙漠忽聞收戰馬  
泮林佇見集飛鴉  
勒功一片留何處  
更過燕山萬里遙

蠢爾西夷敢跳梁  
凶殘肆取武維揚  
淮山無騎聞清鶴  
大漠千師掃駭狼  
破竹功成歸有日  
采薇歌作歲云陽  
從茲德水清無外  
天際長懸日月光

轅門鼓角萬軍鳴  
執訊連連繫大營  
日照三山光四壘  
風迴千隊動雙旌  
已聞魚海全銷燧  
更看天河淨洗兵

最是王師征不戰金甌永固萬方清

閩外專征將帥雄幾年區畫厯

宸衷欣看寇盡窮荒北可卜兵歸漢苑東  
萬里露章初奏凱千年麟閣定論功  
賡賜誌喜葵忱切咸五登三祝  
聖躬

景陵寶城山上產石芝一本彩芝四本恭紀二律

瑤光星耀麗重霄瑞產芝英玉露調最是顯承通有赫  
可知陟降本於昭日暄

寶頂金幢聚風拂

明樓玉節飄千載嘉祥綿國祚由來虞舜繼唐堯

扶輿積氣炳貞符芝蓋繽紛護

鼎湖上瑞兩逢得未有靈根五本自來無光天雨露謳  
歌切大地恩波浩蕩濡總是覲揚同一揆休徵草木慶

昌圖

賜哈密瓜恭紀

玉琯灰飛候璇璣斗紀辰陽從一氣轉

恩自九重新異品遐陬至名瓜

賜賚頻分餐消永夜獨喜沁清神霜及絲絲剖冰瓢片  
片陳青門應讓美朱火漫誇珍堆處盤添冷嘗來齒漱  
津中宵詩思潤轉盼是三春

恭和

御製冬至齋宮詩二章原韻

五雲紉縵護齋宮晴旭纔升暖綺櫳氣轉初陽迴玉律  
天開子月應祥風百昌新慶昭蘇景萬彙均沾索籥功



可識泰裡綿福履

一人誠敬早潛通

日朗瑤宮瑞色新履長納慶協芳辰精裡共識

皇心恪齋宿羣瞻

聖敬純和氣初融丹禁曉霞灰乍動玉衡春

宸居此際乾乾意為懇

蒼穹佑兆民

再擬冬至齋宮三首

瑞靄氤氲滿太清  
九華高耀鳳墀明  
齋宮晝靜爐烟直  
廣殿風和梅蕊生  
氣復一陽璇象轉  
福凝五位泰階平  
春回大地鴻鈞普  
始識天心饗

聖誠

亞歲芳辰景福臻  
歡聲陌上

九重聞琯中鼓動  
迴元氣臺上豐亨  
兆五雲金闕祥光  
浮雉尾玉爐斜篆  
裊煙紋賡歌拜手  
葵忱切長仰經天  
日月文

帝御齋宮敬且莊

泰壇寅祀亞初陽斗邊看日方移晷谷口占風又協祥  
郅治平成過夏后

聖躬雍肅邁周王至誠已自通

天貺

萬壽應知卜算長

橘

朱橘團團嶺海濱年來包貢遠通閩玉盤盛得珊瑚色

為識江南霜信頻

離離不讓洞庭南  
玉液瓊漿珠顆含  
未免一籌輸土物  
春前進到九頭柑

凍雲凝雪

出岫雲嵐凍飛空  
雪霰凝漫天寒欲逼  
大地氣難騰淅瀝  
朝逾密氤氲日始升  
地爐熏不暖梅谷踏  
何曾過屋馳蒼狗  
敲簷落細冰誰能分  
白黑乍不辨村塍列  
嶂眉如洗平湖鏡似  
菱陽和期尚遠感發  
候相仍錦繡簾重

護玻璃窗暫凭喜看三白瑞預卜九秋登

冬早聞雀聲

幾日晨窗鳥亂鳴似來報曉最關情霜凝凍翅看雙落  
冷逼寒喉辨數聲乍似庭中吹急管忽思春杪聽遷鶯  
想伊預識陽和近為見南枝梅蕊生

恭讀

御製丁未長至日詩敬依原韻

鴻鈞氣轉中黃鐘六出飄飄喜應農臺上雲霞看紀瑞天中顙頊正

司冬陽迎葭管方萌動禮薦蕭馨倍祇庸知是履端逢景運太平  
天子福重重

村墟夜春

霜落園林時屆冬稻梁全獲罷三農田家作苦無休息  
更聽村墟半夜春

萬籟全收夜已分寒春聲急隔窻聞高齋識得豐年景  
篆裊爐香獨自焚

冬日寄蔡間之先生

一綫陽迴節近春先生獨卧病兼貧釜漂白水薪為桂  
簾捲寒風雪作銀未識命車期幾日已經伏枕過三旬  
藥爐靜對無餘事應有新詩付錦鱗

書齋十載接輝光屈指睽違一月長試問鑪錘何忽忽  
可知歲月亦堂堂腰圍定減冬前帶髮際應添鏡裏霜  
佇待春風重坐卧新知舊學總商量

詩思

詩思竟如何都於靜後多繭絲抽更細春水皺生波得

意全由此忘言亦任他古人多達者誰是破詩魔

奉和二十一叔父用蟬聯體賦得松風雪月天花  
竹鶴雲煙詩酒春池雨山僧道柳泉原韻

右二十字宋太宗試進士趙昌國題也叔父取  
以自詠創為蟬聯體屬予和之予愧非所習勉  
強奉和觀者得毋以效顰笑耶

龍鱗含秀色偃蓋欲擎空不畏嚴霜偏偏宜細雨濛貞  
堅有本性瀟灑與誰同天籟還堪聽笙簫愧下風



浴日紀堯淵生雲傳禹穴何如孟婆風冷然亦可悅飄  
飄散幽襟裊裊起蘋末莫漫向春園吹攪梨花雪

千山瓊瑤堆萬樹青葱沒砌面足虎鹽波心冷石髮凍  
鴉叫不已樵客歌獨歇誰與把筆人孤吟對寒月

良宵值三五皓魄正高懸海上初籠樹空中恰印川征  
人榆塞外才子綺樓前對景情偏別盈虧欲問天

蒼蒼標正色浩浩遠無涯氣結山河秀光分日月華問  
曾傳正則補欲憶皇媧聞說空桑法曼陀更雨花

薜荔繚為牆芙蓉蓋成屋人疑是仙源客來採丹谷凌  
晨採春蘭裛露掇秋菊為恐腳踏殘短欄縛湘竹

幽篁令人遠隔亭看約畧檀欒清影圓森踈餘粉落冒  
露振青竿韻風鳴紫籜伶倫十二管吹集雲中鶴

振翮盤霄漢清標迥不羣九臯空外響午夜月中聞緹  
嶠隨王子瀛洲駕太君千年遼海上鄉里隔浮雲

因風勢欲牽出岫轉悠然乍可同蒼狗猶然蔭一蟬梳  
空紋似浪映日白於棉樓上分明看還疑谷口煙

野燒致偏奇停車一望之初從山脚起俄向樹頭披最是村郊裏愛看濃淡時右丞雲水幅佳景妙於詩

終朝靜裏吟聊試拈毫手即景自怡悅裁句覓對偶但期合古人未許甜俗口不學李青蓮百篇酣斗酒

甕裏香醪熟盃中湛露新麴紅傳綺席蟻綠獻佳辰錫嘏尊三爵言歡歷再巡兕觥方上壽天子萬年春

麗日烘窗暖條風拂面宜愛看民析候更值物華時鳥語呼名急花嬌放朶遲寒氷已解凍料可泛前池

夾鏡抱花源曲欄圍瓊戶凌曉遠浮烟俯波倒映樹水  
心舟響檝岸上人接武最愛夜深時隔窗聽點雨  
霏微迷遠近徙倚小亭間樹潤蒼龍甲花明織錦斑塵  
氛歸閬寂澗水落潺湲更向天邊望珠簾隔萬山

列嶂碧峻嶒乘間一眺登峰青高旋髻泉迸遠拖繒誰  
識丹梯路羣觀白玉梭飛來小鷺嶺會遇淨名僧

招提構靈境滿樹蟬聲噪中有老尊宿拈芳坐深窈鐘  
魚共朝昏物外恣尋討却笑紅塵客勞勞洛陽道

人歌行路難誰肯華門守學士錦輪飛將軍鐵馬走終  
日逐紅塵為客成白叟何為祖離亭更復折楊柳

灞岸千條色章臺萬縷煙待看飛絮日正值暮春天搖  
綠棲新燕成陰噪晚蟬最憐橫古渡漁父釣清泉

滴瀝復琤琮幽人詩料供尋源迷半嶺擘峽走雙龍入  
眼心方潔烹茶興更濃瓦盆聲叩罷翹首望高松

立春前五日以詩代書問蔡先生病

早起披衣喚小僮新裁柔翰走詩筒問師冷日迤邐景

憶我春風坐卧中，最是能安天與命。  
況於所遇病非窮，寄詩正值韶華近。  
可與宜春帖子同。

臘月十九日立春

氣轉鴻鈞萬物新，寶旂綵勝總宜人。  
韶光破臘都逢霽，玉歷週年兩立春。  
暗數元正纔幾日，須知殘歲只餘旬。  
朝來喜啜盤中餅，明庶風飄送暖頻。

玉河水泮

靄靄春歸帝里新，玉河解凍泛清淪。  
東風細拂紋如縠，

暖日晴搖色似銀隄上愛看初綠柳汀邊凝望未生蘋  
朝來添得流澌擁還恐遊波礙錦鱗

玉河春柳

春柳碧如煙春流宛轉沿低垂金鏡畔斜拂玉橋邊眉  
細波中畫腰輕風裏旋章臺千萬樹羨爾沐恩先

探春花

寶粟堆枝翠葉飄年年長自報青韶隱隱辭殘臘偕梅蕊  
逗漏陽和先柳條無事冶容爭麗景別餘芳氣散疏寮

庭前試問春來未坐對方知春信饒

牡丹芽

消息東皇淑氣調嫩芽新發鼠姑梢芳菲已許詩人賦  
麗艷猶遲畫筆描風信頻吹還未綻露華暗潤不須澆  
莫驚禿兀看來熟幾日如霞映綺寮

奉和二十一叔父癸丑元日早朝原韻

昭蘇萬物樂春臺初日天門曉景催雉尾風搖雲影動  
龍鱗色煥曙光開蓼蕭禮異周詩咏湛露



恩從漢殿來深喜圭璋成特達髻年書史共追陪

花信風

欲識春來處先看花信風未搖枝上綠已綻蕊頭紅長  
養元功普吹噓大造同何須催羯鼓列繡杏園東

雍正癸丑二月七日

經筵恭紀

風光駘宕鼓春和講幄宏張俊彥羅稽古直探謨典秘  
談經遠邁漢唐多爐烟裊裊香凝座鵷列珊珊響振珂

羣仰

九重敷化雨從知大地沐恩波

二月八日隨

皇父駕幸圓明園恭紀五首

金輿赤羽鳳城隈上苑

宸遊向日開最是東皇偏有信都於此日送春來

和風披拂物華妍細泛松篁勝管絃綠野陰濃供勝覽

紫駟一路不須鞭

韶光先已到

楓宸芳籞迎陽景倍新

聖德體元七字裏

是日御聯有節屆仲春欣長養之句

由來化育即

皇仁

柳隄冉冉纔舒綠桃塢菲菲已吐紅從識

御園春信早不關二十四番風

平湖解凍泛龍舸打槳中流一字過謾憶荷塘紅十里

且看春漲綠千波

千里鏡

誰歟巧製過工倂玩景何須出綺帷視遠惟明元在我  
鑑空無礙却憑伊光如水月初圓際了若湖山盡歷時  
聞道離朱能燭眇還疑千里未曾窺

清明奉

命恭祭

景陵感成八韵

猶憶髫齡際趨承

御案前可憐逾廿載瞻拜

鼎湖邊錫類

皇仁切蠲辰孝享虔應期春二月奉

命九重天晴旭輝征袖和風拂錦韉松榆深石路殿宇

鎖雲煙盛禮陳今日

深恩隔往年孫枝思

祖德迴首淚潛然

憇慈雲寺

曉跨征鞍日漸斜暫教小憇梵王家雲深古殿苔衣潤  
風入高松天籟譁語僕且閒從繫馬問僧何事亂鳴鴉  
比來塵境都消盡不用曼陀更雨花

### 漁陽

漁陽古名郡沃野遍桑麻士俗能知禮民風喜不奢長  
途來百里懷古憶三過恰值清明日迎神晚出衙

州民以清

明日鼓吹迎城隍神謂之出巡

### 盤山

盤山山色翠空濛我欲登遊霧半封寄語山靈還訂約  
他時擬上最高峯

草色

次第和風日日殊裙腰嫩合翠勻鋪半眠大地春方半  
點綴寒村景不孤撩眼畫圖分別墅惹人詩思滿歸途  
凌晨却欲遲征馬恐踏芳郊破露珠

春社

社日憑誰報梁頭燕語新纔看如畫景已是可憐春風

軟遊絲重晴烘花氣醇  
賽神村鼓響酣舞太平人

賦得獨倚修篁看鶴籠

萬竿寒雨鎖寒烟  
瑞鶴籠來不計年  
漫憶松梢餐玉露  
且從竹外飲秋泉  
風霜縱幸離身畔  
鳥雀難堪噪耳邊  
看鶴不如看放鶴  
一聲嘹唳碧雲天

盆魚

圓池蓄水不須寬  
依藻文魚自覺安  
待到夜深微雨滴  
跳波還似躍層瀾



綠荇青萍可避陰一泓滿貯足浮沉箇中也有相忘樂  
不羨滄浪萬丈深

賦得買夏欲論園

夏日憑誰買名園畧可論青山列圖畫修竹是庭軒冰  
椀寒生簟香醅綠滿樽泉聲鳴石砌鳥語報松門消得  
三庚永渾忘九陌喧支公應問價欲告已忘言

蘆塘放鴨

新蒲戟戟纔生綠夏水油油欲縹波幾隊看他輕放去

消閒不作右軍驚

老鴨湖中欲去遲  
迴頭着意顧雛兒  
沙塘蘆岸蒼茫意  
一幅徐熙落墨時

隱映蘆洲是鴨洲  
一羣唼喋逐波流  
勝他霜信勞長路  
饑餓瀟湘夜雨秋

風車

湯時奇肱國來朝所乘車御風而飛

異物原非貴風車亦可稱  
輕輕隨籟動冉冉似雲興  
聖德寰區普遐方  
瑞應徵來賓非限  
遠奉朔自相仍  
謾說

鸞鳳翼何勞駉駉騰夕轅指帝里朝軫發奇肱列子應  
慚捷工倭不擅能還輸西旅貢魯壁未曾登

魚米樹

一名康洋樹出宜興其結子似米則年豐似魚則多水農家以此占年云

春入靈根枝葉抽嘉名聞道數興州求魚緣木須防滯  
聚米成林定有秋砌英饒他能識朔庭萱空自解忘憂  
那如望樹占年好歲歲農家社鼓稠

賦得船痕半載書

春水弱無力春船行覺遲饒他乘興日是我讀書時桂

棹逍遙去芸編左右披縵長堪汲古何用釣竿垂

彈琴峽

居庸關水流石罅聲若調琴

彈琴峽口聽彈琴清韻悠揚入聽深漫數成連工奏曲  
不須鍾子始知音調高流水誰能和響薄焦桐更耐尋  
却笑陶公空掛壁何如大地是琴心

朱草

地祇格則朱草生賢人出

聖德光天壤宸修格地祇瑞呈朱草出祥應紫雲垂戟  
戟抽莖密離離擢幹奇朝芳珠露潤午秀惠風吹不數

椿知歲休誇冀應時彙征占有吉濟濟助無為

鶴跡

曲徑苔迷路幽棲鶴作隣舞階猶惜影步月不生塵印  
出留深跡翻將疊軟茵松門未曾掩幸得接嘉賓

御製樂善堂全集定本卷二十六